

RAMAI ALU2 BARISAN EXCO PERAK

IPOH, Rabu — Kalaupun pemimpin politik dan pertubuhan sukarela hari ini mengalukan perantian semula Menteri Besar Perak, Datuk Seri Haji Wan Mohamed bin Haji Wan Teh dan Ahli-ahli Exconva.

Mereka percaya kerajaan negeri di bawah pimpinan Datuk Seri Haji Wan Mohamed dan Ahli-ahli Exco yang dilantik itu dapat meneruskan usaha dan cita-cita pembangunan bagi faedah kira-kira 1.8 juta rakyat bertilang kaum di negeri ini.

Barisan Exco kerajaan kali ini, menurut mereka adalah yang dinamik dan berkaliher berdasarkan profesion masing-masing.

Pesuruhjaya Berjasa Perak, Ustaz Osman Bakar menafikan perantian semula Datuk Seri Haji Wan Mohamed adalah wajar bagi membolehkan beliau meneruskan segala program pembangunan yang telah dirancangan.

Berjasa, katanya, puas hati dengan perantian barisan Ahli Exco termasuk lima muka baru dari golongan berpendidikan.

Mereka ialah Encik Zulkernain Haji Abdul Rahman, Haji Abdul Khalid Nasir, Mior Aris bin Mior Abu Bakar (kesemuanya dari UMNO), Dr. Song Yong Pheow dan Encik Tan Tiew Bok (MCA).

Ketua Wanita UMNO Perak, Toh Bijayawati Oon Zariah binti Abu

Bakar di samping berikrar memberi kerjasama dan sokongan tidak berbelah bagi terhadap kerajaan negeri secara ikhlas berkata:

Tak terkilan

"Pergerakan ini sama sekali tidak terkilan sekalipun tiada di antara calon kami yang dilantik menduduki Exco."

Menurut beliau, masanya belum tiba, tetapi tetap bersyukur kemenangan tiga calon Wanita UMNO Perak termasuk Datin Paduka Rafidah Aziz di Kuala Kangsar yang dilantik semula dalam Kabinet.

Ketua Penerangan UMNO Perak, Datuk Haji Hisan Ibrahim sambil menyatakan sokongan penuhnya berharap pihak berkenaan jangan setakat bijak mengkritik tanpa mereka sendiri memahami keadaan sebenar.

"Apa yang penting ialah kita wajar memberi pandangan yang membina bagi me-

nguatkan lagi kerajaan kita, semoga apa yang kita harapkan terkabul," katanya.

UMNO Perak mengucapkan setinggi terima kasih atas kepercayaan Perdana Menteri, Datuk Seri Dr. Mahathir Mohamad dan juga Sultan yang telah memperkenankan perantian semula Menteri Besar yang juga Ketua Perhubungan UMNO Negeri.

UMNO Bahagian Grik juga mengalu-alukan perantian semula ketua mereka, Datuk Seri Haji Wan Mohamed dan anggota-anggota Exco yang lain.

"Kami tumpang bangga dengan sokongan semua pihak terhadap kepimpinan Datuk Seri Haji Wan Mohamed sehingga berjaya mencatat satu sejarah memenangi 38 kerusi Dewan Negeri dan menyapu bersih kesemua 21 kawasan Parlimen Perak," ujar Timbalan Ketua Bahagian Grik, Haji Shamsuddin yang turut

menang tanpa bertanding kerusi Temenggor.

Pengerusi Persatuan Pemborong-pemborong Binaan Bumiputera Perak, Encik Abdullah Hussein sambil mengalu-alukan perantian semula Menteri Besar yakin dan percaya kerajaan negeri akan memandang lebih jauh dalam semua sektor demi kepentingan pembangunan negeri.

Beliau mengucapkan terima kasih atas pandangan berat kerajaan negeri dalam membantu masalah yang dihadapi oleh ahli-ahli persatuan.

Presiden baru Majlis Eclia Malaysia (MBM), Mohd Tajol Rosli bin Tan Sri Ghazali, Ketua Pemuda UMNO Perak, Haji Zainal Abidin bin Zin, Presiden Gerakan, Datuk Dr. Lim Keng Yaik dan Ketua MCA Perak, Datuk Mak Hon Kam juga turut mengucapkan tahniah kepada Menteri Besar dan barisan anggota Exconva.

Musabaqah tentera

KANGAR, Rabu. — Seramai 18 orang peserta akan mengambil bahagian dalam Musabaqah Membaca al-Quran Pasukan Simpanan Tentera Darat Malaysia (PSTD) selama dua hari di Kem Bukit Keteri, 11 kilometer dari sini mulai esok.

Mereka terdiri dari johan-johan qari dan gariah serta kanak-kanak yang mewakili zon-zon Pasukan Simpanan Tentera Darat termasuk Sabah dan Sarawak.

Menurut satu kenyataan Pejabat Perhubungan Raya Markas Sebelas Divisen PSTD di sini, hari ini, Panglima Sebelas Divisen PSTD, Major Jeneral Datuk Wan Ismail Wan Mohamed Salleh akan merasmikan majlis tersebut. — Bernama.

Simpan air yang cukup

PEKAN, Rabu. — Penduduk-penduduk di sekitar bandar pekan hari ini dinasihatkan supaya menyimpan bekalan air yang secukupnya bagi keperluan masing-masing pada hari Ahad ini.

Jurutera Jabatan Kerja Raya Daerah Pekan, Encik Mohamed Kamal Jamaluddin berkata, bekalan air mungkin terganggu semasa kerja-kerja membersihkan dan membaiki logi bekalan air di sini.

Katanya, kerja-kerja itu akan dibuat mulai jam 8.00 pagi hingga 6.00 petang pada hari tersebut. — Bernama.

Bahan asal dari Arkib
Negara Malaysia